



Human Rights Review Panel

## **Buletini informativ nr. 25 – 1 korrik 2021 – 30 shtator 2021**

---

- Hyrje
- Seancat e Panelit për Shqyrtimin e të Drejtave të Njeriut
- Vendimet e Panelit për Shqyrtimin e të Drejtave të Njeriut
- Publikimi i vendimeve të Panelit për Shqyrtimin e të Drejtave të Njeriut


### **Hyrje**

Paneli për Shqyrtimin e të Drejtave të Njeriut (“Paneli”), i themeluar nga Bashkimi Evropian në vitin 2009, është një organ i pavarur llogaridhënës me mandat që të shqyrtojë shkeljet e pretenduara të të drejtave të njeriut nga EULEX-i Kosovë gjatë ushtrimit e mandatit të tij ekzekutiv. Paneli publikon buletin informativ në mënyrë periodike, në anglisht, shqip dhe serbisht, si pjesë e kontaktit me qytetarët në Kosovë, shoqërinë civile dhe komunitetin ndërkombëtar.

Paneli ka pranuar dyqind e një (201) lëndë prej se ka filluar punën e tij në qershor të vitit 2010. Paneli ka konstatuar që EULEX-i Kosovë ka kryer shkelje të të drejtave në pesëdhjetë (51) lëndë. Përpos kësaj Paneli ka konstatuar se nuk ka pasur shkelje të të drejtave të njeriut në gjashtëmbëdhjetë (16) lëndë të tjera, të cilat i ka konsideruar të pranueshme. Për momentin në Panel janë njëzet e tre 23 lëndë në pritje. Paneli gjithashtu ka lëshuar tridhjetë (30) vendime përcjellëse në njëzet e katër (24) lëndë në të cilat ka vlerësuar shkallën që Misioni kishte zbatuar rekomandimet e tij. Në shumë raste, Paneli konstatoi se zbatueshmëria ishte vetëm e pjesshme. Në shumë raste, Paneli ka gjetur që realizimi ka qenë i pjesshëm. Disa raste kanë bërë që të lëshohen vendime të njëpasnjëshme pasuese.

Lëndët pranë Panelit kanë të bëjnë me një sërë faktorësh thelbësor dhe procedural të të drejtave të njeriut, në thelb përfshirë të drejtat e jetës, respektimin e jetës private dhe familjare, dhe të drejtën për një mjet efektiv juridik. Pjesa e plotë e praktikës gjyqësore gjendet në: <https://hrrp.eu/alb/cases.php>.

## Statistikat e lëndëve - mars 2021



### Seancat e Panelit për Shqyrtimin e të Drejtave të Njeriut

Gjatë tremujorit të dytë të vitit 2021, Paneli për Shqyrtimin e të Drejtave të Njeriut ka mbajtur një seancë. Paneli ka marrë vendimet përmes mjeteve elektronike për shkak të pandemisë Covid-19.

- Seanca e 52-të: 16 shtator 2021.

### Vendimet e Panelit për Shqyrtimin e të Drejtave të Njeriut

Në këtë seancë, Paneli shpalli një rast të pranueshëm. Në këtë rast, Paneli gjithashtu vlerësoi meritat e ankesave dhe gjeti se Misioni i Bashkimit Evropian për Sundimin e Ligjit në Kosovë kishte shkelur detyrimet e tij ndaj ankuesit. Paneli gjithashtu formuloi rekomandime për shefin e Misionit.

Në një rast ku Paneli kishte gjetur më parë një shkelje, Paneli lëshoi vendimin e dytë pasues për të shqyrtuar dhe vlerësuar zbatimin e rekomandimeve të tij nga shefi i Misionit të EULEX-it dhe përsëriti rekomandimin. Paneli vendosi ta mbyll shqyrtimin e këtij rast.

### Vendimet e pranueshmërisë

- Lënda 2018-01 Y.B.2. kundër EULEX-it (shih më poshtë në vendimet mbi meritat).

### Vendimet për meritat

- Lënda [2018-01 Y.B.2 kundër EULEX-it](#). Më 16 shtator 2021, Paneli miratoi vendimin e tij mbi Pranueshmërinë dhe Meritat. Në vendimin e tij, Paneli hodhi poshtë kërkesën e ankuesit për masa të përkohshme. Paneli gjithashtu hodhi poshtë kërkesën e Misionit për ta nxjerrë lëndën nga lista e tij e lëndëve. Lidhur me ankesën për shkelje të së drejtës për prezumimin e pafajësisë, të mbrojtur me nenin 6(2) të Konventës Evropiane për të Drejtat e Njeriut, Paneli e hodhi poshtë këtë ankesë si qartazi të pabazuar. Lidhur me ankesën për shkelje të së drejtës për respektimin e jetës private, e mbrojtur nga neni 8 i Konventës Evropiane për të Drejtat e Njeriut, Paneli konstatoi se deklaratat e bëra nga prokurori i EULEX-it në intervistën televizive përbënin ndërhyrje të pajustificuar në reputacionin e ankuesit dhe në këtë mënyrë kishte

shkelur nenin 8. Paneli ftoi Misionin të bëjë një deklaratë publike duke pranuar se rrethanat e rastit përbënin një shkelje të të drejtave të ankuesit si rezultat i veprimeve që i atribuohen EULEX-it në kryerjen e mandati i tij ekzekutiv.

### Vendimet përcjellëse

- Lënda nr. [2019-01 G.T. kundër EULEX-it](#). Më 16 shtator 2021, Paneli miratoi vendimin e dytë për zbatimin e rekomandimeve të Panelit për Shqyrtimin e të Drejtave të Njeriut. Paneli vuri në dukje se Misioni kishte ndjekur dhe zbatuar disa, por jo të gjitha rekomandimet e Panelit. Në veçanti, Paneli konsideroi që Misioni nuk e kishte pranuar shkeljen e të drejtave të ankuesit dhe nuk e kishte kontaktuar ankuesin drejtpërdrejt në lidhje me përcaktimin e nevojës për siguri shtesë që del nga dëshmia e ankueses në Serbi. Paneli shprehu keqardhje që Misioni edhe një herë nuk i kishte zbatuar këto dy rekomandime. Për më tepër, Paneli përsëriti se Misioni është përgjegjës për ofrimin e një mjeti efektiv për shkeljen e të drejtave të njeriut që ka kryer në rastin aktual dhe se Misioni nuk mund t'i delegojë obligimet e veta ndaj të drejtave të njeriut palëve të treta. Paneli i kërkoi Misionit që ta shpërndajë këtë vendim tek zyrtarët përkatës të Misionit dhe autoritetet jashtë tij. Paneli vendosi ta mbyll shqyrtimin e këtij rasti.

### Publikimi i vendimeve

Të gjitha vendimet e Panelit janë publikuar në faqen e internetit të Panelit në gjuhën angleze, shqipe dhe serbe dhe gjendet në: [www.hrrp.eu](http://www.hrrp.eu).

Vizitoni faqen tonë të internetit: [www.hrrp.eu](http://www.hrrp.eu).



**SI TË PARASHTROHET ANKESA NË PSHDNJ**  
(Rregullat 25 dhe 26 të rregullores së punës të PShDNj-së)

**Kush?**

Çdo person i cili nuk punon për misionin e EULEX-it në Kosovë, i cili ankohet se ka qenë viktimë e shkeljes së të drejtave të njeriut nga ana e misionit të EULEX-it Kosovë gjatë zbatimit të mandatit ekzekutiv të tij.

Ankuesi (personi që e bën ankesën) mund të përfaqësohet nga ndonjë avokat ose përfaqësues tjetër sipas dëshirës së tij ose saj. Në këtë rast duhet të plotësohet autorizimi.

**Çka?**

Paneli do t'i shqyrtojë vetëm ato ankesa që kanë të bëjnë me këto shkelje të dyshuara, të cilat kanë ndodhur në Kosovë pas datës 9 dhjetor 2008. Shkelja duhet të jetë shkaktuar nga Misioni i EULEX-it në Kosovë gjatë ushtrimit të mandatit ekzekutiv të tij.

Paneli nuk i shqyrton procedurat gjyqësore të kryera nga gjykatat në Kosovë.

**Kur?**

Ankesa duhet t'i parashtrahet Panelit brenda gjashtë muajve nga data e shkeljes së dyshuar.

**Si?**

Ankesa duhet të parashtrahet me shkrim. Ankesa nuk mund të bëhet me telefon. Ankuesi mund ta përdorë gjuhën angleze, shqipe ose serbe. Normalisht, ankesa duhet të plotësohet në formularin përkatës dhe të shoqërohet me dokumente dhe vendime përkatëse (nëse ka), sipas udhëzimeve në formular.

Nëse ankesa paraqitet në letër, në të duhet të përcaktohet, të paktën në formë të përmbledhur, lënda e ankesës në mënyrë që ajo të shqyrtohet më tej.

**Ku?**

Ankesa mund të parashtrahet në:



**Paneli për Shqyrtimin e të Drejtave të Njeriut - sekretariati**

Rr. Rrustem Statovci nr. 29 – 10000 Prishtinë – Kosovë

Tel: +381 (0) 38 28 2207

**Ankesa gjithashtu mund të parashtrahet përmes postës**

elektronike në: [office@hrrp.eu](mailto:office@hrrp.eu)

[www.hrrp.eu](http://www.hrrp.eu)

Nëse ankesa parashtrahet përmes postës elektronike, atëherë ankesa origjinale e nënshkruar duhet të dorëzohet brenda katër javëve nga data e dërgimit të postës elektronike.

**Plotësimi i formularit për ankesë**

Ankesa duhet të shkruhet qartë dhe lexueshëm, dhe mundësisht të jetë e shtypur me kompjuter. Formulari duhet t'i përfshijë të gjitha hollësitë kontaktuese të ankuesit. Nëse ankesa përmban fakte të dokumentuara, duhet të paraqiten kopjet e lexueshme. **Mos i dërgoni dokumentet origjinale.**

Dokumentet duhet të renditen sipas datës dhe të shënohen me numra rendor të njëpasnjëshëm dhe me një përshkrim të shkurtër (p.sh. letër, urdhër, vendim, ankesë, etj.).

Gjatë regjistrimit ankesës i caktohet numri i dosjes. Numri i dosjes duhet të përmendet në të gjitha korrespondencat vijuese. Nëse ankuesi tashmë e ka një ankesë, e cila është duke u shqyrtuar nga Paneli, ai/ajo duhet ta informojë Panelin lidhur me numrin e dosjes së mëparshme. Nëse ankuesi për arsye të ndryshme nuk dëshiron që identiteti i tij/saj të bëhet publik, ai/ajo duhet ta plotësojë pjesën përkatëse në formularin e ankesës.